



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

24. De osculo Judæ, &c.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO XXIV.

Osculum Iudæ & præcedentia comprehensionem Christi.

PUNCTUM PRIMUM.

Judæ proditoris nequitia. **I**udas unus ex duodecim, dux comprehendentium Christum factus est: venit ad locum, quem sciebat Jesum orationis causâ frequentare; pro tessera dat comprehensoribus osculum, alioqui pacis signum, atque audacter accedens, *osculatus est Jesum dicens. Ave Rabbi:* atque hoc fecit totum, ut vile pretium venditionis reportet. In quale profundum præcipitat hominem cupiditas! & quale Dei judicium, permittentis in suo discipulo talem lapsum! salutaris ego timore concutiar, & deprecabor à Deo similem cæcitatem: *Ne quando dicat inimicus, prevalui adversus eum.*

Christi charitas erga Iudam. **1.** Deinde consideretur, quemadmodum Christus excipiat Judam summa charitate, & mansuetudine. Non abnuit osculum: quidni confidam quamvis peccator, ad eum accedere indulgentiæ causâ, quando non rejicit proditorem?

2. Imò compellat amicum: *Amice ad quid venisti?* quærit, dissimulans pravam illius intentionem. Appellatione autem *amici* revocat ipsi in mentem, quòd pro tali habitus fuerit à se. *Jam non dicam vos servos, sed amicos, quòdque habe-*

habere etiam in posterum paratus sit, modò perfidus ipse velit. O mansuetudo!

Objectat nihilominus proditori crimen, sed Judam benevolentissimè: *Iudæ, osculo Filium hominis tradis?* tradis, & osculo tradis, venenum melle admiscens? O Judæ! blanda appellatio. Filium hominis contemptim se nominat: quòd si tantùm crimen, prodere Filium hominis, quantùm erit, quòd Filium Dei tradis? neque sic emollitur.

PUNCTUM II.

Christus verbo prosternit comprehensores. Ostendit
 Voluit documentum dare suæ potentia, & potenti-
 quòd nihil contra eum possent, nisi quantùm am suã.
 ille ipsis permetteret. *Ego, inquit, sum.* Aliter
 hæc vox sonat in auribus pij & justi hominis,
 aliter impiorum. Illi est plena solatij, ac si di-
 cat, *salus tua ego sum*; dilectus tuus & om- Dan. 10.
 nia: peccatoribus autem est terribilis. Quod si 5.
 nunc: quanto terribilior in magno die judicij?
Et abierunt retrorsum, & ceciderunt in terram. Retror-
 Retrorsum, qui lapsus est periculosissimus, & in sum qui
 quo non videt cadens, quòd ruat: ita peccatores cadunt.
 non advertunt, in quæ mala peccando revol-
 vantur. Non sic cadam ego, sed in faciem me-
 am per humilitatem & agnitionem propria cul-
 pæ, veramque pœnitentiam, ut emendatus re-
 surgam.

PUN.

PUNCTUM III.

Obstina-
tio Judæ
& mili-
tum.

Sinite
verbum
efficax.

CUM è terra surrexissent, qui fuerant pro-
strati, Christo permittente, secundo in-
terrogavit quem queritis? illi etiam dixerunt:
Jesus Nazarenum. Vide cæcitatem, tanto mi-
raculo conspecto, insistant adhuc malè cœptis.
Jesus Nazarenum quærunt, profitentur illum
(quamvis nescientes, & nolentes) quod verè
est, Salvatorem & sanctum. Interest, quomo-
do quæratur Jesus: quæram ego, non, ut necem
inferam, sed, ut vitam referam ex illo, *Respon-
dit Jesus: Dixi vobis, quia ego sum, si ergo me
queritis, sinite hos abire.* Sic bone Jesu, tuis con-
sulis, tibi non consulis. Et fuit verbum po-
tens, ne attingerentur discipuli ejus, sed in ip-
sum solum rabies ministrorum Sathanæ ver-
teretur.

PUNCTUM IV.

Luc. 22.
49.

Matt.
26.

Repri-
mitur
Petri
fervor
tribus
modis.

1.
2.

Petrus amputat auriculam Malchi. Peritâ
prius veniâ: *Domine, si percutimus in gla-
dio? sed non expectato responso, quod tale fuit:
sinite usque huc, abstinete factum autem redar-
guit pluribus modis. 1. Converte gladium tuum
in locum suum, omnes enim, qui acceperint gla-
dium, gladio peribunt.* Hæc erat tunc lex talio-
nis: quomodo mansuetus Agnus pateretur,
se defendi per effusionem sanguinis alieni, qui
suum dare venerat? 2. *Calicem quem dedisti
mihi Pater, non vis, ut bibam illum? non ego
mortem*

mortem aspicio, ut intentatam ab inimicis, sed ut imperatam à Patre meo, ac ita, ut optatissimam: ægrè fert impedimentum objici implendæ voluntatis Patris. Sic ego oblatos labores amplectar, & pro Dei munere ducam. 3. *An putas quia non possum rogare Patrem, & exhibebit mihi modò plusquam duodecim legiones Angelorum? quomodo ergo implebuntur Scriptura, quia sic oportet fieri?* Possem quidem petere, & impetrare: sed nolo, quia volo, ut Patris voluntas fiat: ita hoc dicit, sicut in horto orans dixerat: *Omnia tibi possible sunt*: poterat absolute id fieri, ut transferretur calix, & legiones Angelorum in auxilium venissent; sed ex suppositione divini decreti, non poterat: quòd ita Christus servatum volebat, ut etiam si posset illud effringere, nequaquam vellet.

Commendatur hinc efficacitas orationis, ad impetrandum auxilium à Deo, etiam multorum Angelorum. Unde Elisæus dicebat: *plures nobiscum sunt, quàm cum illis*: deinde conformatio cum divina voluntate: quæ debet esse in orante.

PUNCTUM V.

SAnat auriculam Malchi, volens reddere bonum pro malo, & non ferens propter se alicui damnum illatum, & ne exacerbati ministri læderent discipulos. Credibile Malcho redditum simul fuisse auditum fidei, & obedientiæ, quia

Malchus
conver-
sus hoc
miracu-
lo.

quia Christus solitus erat cum corporali sanitate conferre spiritualem, & miraculum in se patratum potuit ipsum permovere, tamen alios nihil moveit. O, sanetur in me auditus ad excipiendas inspirationes divinas! *audiam, quid loquatur in me Dominus.*

MEDITATIO XXV.

Comprehensio Christi.

PUNCTUM PRIMUM.

CHristus facit potestatem sui adversarijs. 1. Improperat, quod tanquam ad latronem capiendum venirent armati. Habet ille nomen prædatoris apud Isaiam: *velociter spolia detrahe, citò prædare*: sed prædas agit animarum, ex potestate diaboli in libertatem vindicando. Velim, ut sic deprædetur cor meum, & sibi illud afferat. 2. Exprobrat, quod, cum quotidie cum ipsis fuerit, docens in templo, non eum tenuerint: quasi pro doctrinæ labore rependant hanc mercedem: vel notat imbecillitatem, quod, cum in manibus eum habuerint, & pridem capere exoptaverint, non tamen sint auli: nempe, non fuisse eis à Deo concessum. 3. Nunc autem, *hæc est hora vestra & potestas tenebrarum*. Permitto me vobis, & ipsis dæmonibus, qui vos instigant ad me perdendum: virtute hujus concessionis poterunt in Christum, quicquid ipsi fecerunt. Et sine exceptione se eis tradit, non sicut Job traditus

Isa. 8. 1.

2.
Ingratitudo Judæorum.

3.
Dat sui potestatem.

tus